

公慶府志卷之二十八

藝文志

賦詩

制詔

疏表

揭帖附

書啟

論議

考

辨

記序

傳

碑銘

墓表

祭文附
雜著

邠邑之志藝文也與史異史錄其篇目而已志則用以補各門之所不及闡揚忠孝辨証山川所謂性情之風標神明之律呂也覃懷古號名區宦遊土著文儒接迹讀其文想見其人然而玉藻瓊敷無關體要卽言皆有物亦祇饋貧之糧拯亂之藥非志乘所必需善哉白傳之言曰文必有爲而作然則錄文者亦必有爲而錄則用以補所不及而非如詩品典論僅較量於詞章之工拙已也志藝

文

賦

晉

河陽庭前安石榴

賦

有序

潘岳

石榴者天下之奇樹九州之名果也是以屬文之士叙而賦之

仰天路而高睨顧鄰國以相望位莫微於宰邑館莫陋於河陽雖小縣陋館可以邀遊實有嘉木曰安石榴修條外暢榮餘內樛扶疎偃蹇冉弱紛柔於是暮春告謝朱夏戒初新莖擢潤葉葉垂腴曾華奕以先越含榮鵬其方敷丹輝綴於朱房細的點乎紅鬚煌煌燁燁燿燿委累似琉璃

之棲鄧林若珊瑚之明綠水光明燐爛含丹耀紫味滋芳
神色麗瓊藥遙而望之煥若隋珠擢重淵詳而察之灼若
列星出雲間千房同模千子如一禦渴療饑解醒止疾旣
乃攢乎狹庭載阢載褊土階無等肩牆惟淺壁衣蒼苔瓦
被駁薛處悴而榮在幽彌顯其花可玩其實可珍羞於王
公薦於鬼神豈伊仄陋用渝厥貞果猶如之而況於人

唐

登天壇山望海日初出賦

一

乾平俞

配乎地者惟山麗乎天者爲日登君嶠之峻極見瞳眬之
初出廓靈海百川之宗孕金鳥千里之贊泛圓光於沆瀣
煥鮮耀而灑溢雖騰輝於碧浪之中詎停色於紅萍之實

觀夫烈耀暉赫炎晴壁洪洪敵太清寒爽騰騰同象奔驚
照燭兮驪珠潛吐曉朗兮龍燭忽生愕羣仙於金鏡驚天
難於玉京巨浸半涵猶韶普天之美人哀尚暝孰識朱融
之明懿其千仞可躋四目斯在危岫陵乎碧落日域遼乎
滄海旣登陟以遐觀知蒙汜之浴彩晨光乍分夜色未改
昇黃道而將始臨下土而有待晝明夕晦徒觀其躔次之
常出有入無孰測夫陰陽之宰氣澄霧卷月落星殘流暉
電曜散慧虹攢將煥爛以下燭出浩淼而上干挂扶桑而
杲杲昇暘谷而團團敷九華而葩奕燦三山之峯巒且幾
昇天無憂於見渫已能烜物寧患乎祁寒順寅賓而不貳
燥溟漲之無端乘變化而復往得沐浴乎波瀾於是遊太

枉辭殘夜義和礪導運行有節厚尺能久克彰乎貞明委
照無私不闕於夷夏嘗傾壺而久俟冀餘光之一借

清濟貫濁河賦

許堯佐

河之並濟兮惟秩其平濟之貫河兮勢若相傾非剛克無
以見其柔立非甚濁無以彰其至清是以靈源濤發柔德
兼呈徒觀其流波委注秀色澄澈渾融而濁水遙開鼓怒
而洪流直截遂使還淳之士疑三氣之初分策功之用驚
一帶分中裂旣處濁而不染每含貞而自潔苟與和光者
殊致寧與涵泥者無別是以霍護波激崩騰勢飈濟水與
河水相輝光容易識清流與濁流不雜質性難論苟徵之
於變化可察之於本源於以表德於以辨類方九折而橫

流啟重泉而直至故以盤渦渾曉日之輝疊鏡寫晴峯之
翠絕河而去孰與我爭先導沈斯來孰謂我奚自若乃沖
虛是翫迅激難傳廣可涉兮思航壘於寒洧清可挹也欲
擢纓於夕流貫長川之漫漫委輕浪之悠悠然下流綿邈
願表清而不濁上善昭融故守和而不同故可扶正直之
純志助潤澤之成功動漣漪於迴浦羣光景於微風且淮
之清兮濱於夷江之遠兮界於楚豈若貫大川以揚波臨
大都而分渚含清濁而獨秀求匹敵而誰與苟河清之可
期願朝宗而爲侶

山陽城賦

并序

劉禹錫

山陽故城遺趾數雉四百之邇終於此墟裔孫作賦蓋闕

漢書曰我止行車實踞於山陽之城是何蒼莽與慘悴
春陵之氣兮焉如貽昌運於四海辭至尊而伍匹夫有利
器而創持兮曾何芒刃之足舒懿王迹之聿基暨絕維之
再敷邈汜陽與鄙上悅蛇變而龍據痛人亡而事替終此
地焉忽諸嗟乎積是爲治積非成虐文景之欲處身以欲
播其德牙迄武乃獲桓靈之欲從心於愔燕其祇炤逮獻
而焚彼伊周不世兮姦雄乘釁而騰振物象灌以易位被
虛號而陽尊終勢殫而事去胡竊揖讓以爲文嗚乎維神
器之至重兮如山之不騫使人得譬乎逐鹿固健步者所
先諒人事之云耳孰云當塗之兆也自天亂日久矣莫可
追升彼墟兮噫嘻獨遺武兮貽後王之元龜

(詩)

晉

答嵇康

阮德如

早發溫泉廬夕宿宣陽城顧盼懷惆悵
言思我友生曾遇一何幸及子遭歡情
交際雖未久思愛發中誠良玉須切磋
磋璠璣就其形隋珠豈不曜雕瑩啟光
榮與子猶蘭石堅方互相成庶幾行古
道伐檀俟河清不謂中離別飄飄然
遠徵臨興執手訣良誨一何精佳言盈
我耳援帶以自壯唐虞曠千載三代不
可并沐浴久已往微言誰共聽會參
易簣斃仲由結其纓晉楚安足慕屢空
守以貞潛龍尚蟠蟠神龜隱其靈庶保
吾子言養真以全生東野多所患暫

往不久停幸子無損恩道遠以自寧

宣陽城在小修武西卽今宣陽驛

雙美不易居嘉會故難常爰處憩斯土與子邁蘭芳常願
永遊集拊翼同翅翔不悟卒永離一別爲異鄉四牡一何
速徵人告路長顧步懷想像遊目屢太行撫轡增歎息念
子安能忘恬和爲道基老氏惡強梁患至有身災榮子知
所康神龜實可樂明戒在剗腸新詩何篤穆申詠增慨慷
舒檢話良訊終然永厭藏還誓必不食復與同故房願子
盪憂慮無以情自傷侯路忘所以聊以酌來章

河陽縣作

潘岳

微身輕蟬翼弱冠恭嘉招在茲妨賢路再并上宰朝猥荷
公叔舉連陪厠王寮畏嘯歸東山擁耒耨時苗幽谷茂纖

葛峻巖敷榮條落英飄林趾飛莖秀陵壽畢高亦何常升
降在一朝徒恨良時泰小人道遂消譬如野田蓬幹流隨
風飄昔倦都邑游今掌河朔徭登城眷南顧凱風揚微綃
洪流何浩蕩修芒鬱蒼藹誰謂晉京遠室適身實遼誰謂
邑宰輕令名患不劭人生天地間百年孰能要歟如敲石
火譬若截道颺齊都無遺聲桐鄉有餘謠福謙在純約害
盈由矜驕雖無君人德視民庶不忼

日夕陰雲起登城望洪河川氣冒山嶺驚湍激巖阿歸雁
映蘭時游魚動圓波鳴蟬厲寒音時菊耀秋華引領望京
室南路在伐柯大夏緬無覩崇芒鬱嗟我總總都邑人擾
擾俗化訛倚水類浮萍寄松似懸蘿朱博糾舒慢楚屈

頃邪曲逢何以直託身依叢麻黔黎竟何常政成在民私
位同單父邑愧無子陵功豈敢陋微官但恐忝所荷

懷縣作

潘岳

南陸迎修景朱明送末垂初伏啟新節隆暑方赫曦朝想
慶雲興夕遲白日移揮汗解巾宇登城臨清池涼颺自遠
集輕襟隨風吹靈囿耀華果通衢列高椅瓜瓞蔓長苞薑
芋紛廣畦稻栽肅芊芊黍苗何離離虛薄乏時用位微名
日卑驅役宰兩邑政績竟無施自我違京輦四載迄於斯
器非廊廟姿屢出固其宜徒懷越鳥志眷戀想南枝

春秋代遷逝四運紛可喜寵辱易不驚戀本難爲思我來
冰未泮時暑忽隆熾感此還期淹歎彼年往駛登城望郊

旬游目歷朝寺小國寡民務終日寂無事白水過庭激綠
槐夾門植信美非吾土祇攬懷歸志眷然顧輦洛山川邈
離異願言旋舊鄉畏此簡書恩祇奉社稷守恪居處職司
唐

早登太行山中言志

唐元宗

清蹕度河陽凝笳上太行火龍明鳥道鐵騎繞羊腸白霧
埋陰壑丹霞助曉光澗泉含宿凍山木帶餘霜野老茅爲
屋樵人薜作裳宣風問耆艾敦俗勸耕桑涼德慙先哲徽
猷慕昔皇不因今展義何以冒垂堂

王屋山第之側構小亭暇日與羣公相遊

李嶠

杜亭依絕巘蘭榭俯同溪
綉棟魚鱗出雕甍鳳羽棲引泉
聊漲沼鑿蹬且通蹊席上山
花落簾前野樹低戈林開曙
景釣渚發晴霓狎水驚梁雁
臨風聽楚雞復看題柳葉彌
喜蔭桐圭

送懷州吳別駕

岑參

潮上柳枝黃壚頭酒正香
春流飲去馬暮雨濕行裝
驛路通函谷州城接太行
尊懷人總喜別駕得王祥

南池夜宿憶王屋青蘿舊齋

岑參

池上臥煩暑不櫛復不巾
有時清風來自謂羲皇人天晴
雲歸盡雨洗月色新公事常不闕
道書日生塵早年家王屋
五別青蘿春安得還舊山東
谿垂釣綸

宿東谿王屋李隱者

岑參

山店不鑿井百家同一泉曉來幽靜黑雨色和人煙霜畦吐寒菜沙雁噪河田隱者不可見天壇飛鳥邊

玉真公主山居

王維

碧落烟嵐外瑤臺道路賒如何連帝苑別自有仙家此地回鑾駕綠谿轉翠華洞中開日月窻裏發雲霞庭養沖天鶴溪流上漢槎種田生白玉泥竈化丹砂谷靜泉逾響山深日易斜御羹和石髓香飯進胡麻大道今無外長生詎有涯還瞻九霄上來往五雲車

與諸公遊濟瀆泛舟

李頎

濟水出王屋其源來不窮汎泉數眼沸平地流清

崇祀典詔書視三公分官禱靈廟奠璧沉河官神應每如
答松篁氣蒸龍蒼螭送飛雨赤鯉噴回風酌酒布瑤席吹
簫下玉童元冥掌陰事祝史告年豐百谷趨潭底三光懸
鏡中淺深露沙石蘋藻生虛空晚景臨流美亭臯輕靄紅
青山傍舟楫白鷺驚絲桐我本家潁北出門見維嵩焉知
崧峯外又有天壇東左手正接離浩歌眄青穹夷猶傲清
吏偃仰狎漁翁對此川上閑非君與誰同霜凝遠邨渚月
淨蒹葭叢茲境信難遇爲歡殊未終淹畱悵言別烟嶼夕
微濛

行次田家俱梁作

儲光羲

田家脩長道邀我避炎氛當暑日方晝高天無片雲桑間

懷慶府志 卷三 詩
木黍氣柳下牛羊羣野雉棲空屋晨風不復聞前登誤聚
坂極望溫泉分逆旅方三舍西山猶未曛

送王屋山人魏萬還王屋

李白

見王屋山人魏萬云自嵩廬夷遊樂入吳計程三千里相
訪不遇因下江東尋諸名山往復百越後於廣陵一面遂
乘興共過金陵美此公愛奇好古獨徃物表因述其行李
遂有此贈

仙人東方生浩蕩弄雲海沛然乘天遊獨往失所在魏侯
繼大名本家聊攝城卷舒入元化跡與古賢并十三弄文
史揮筆如振綺辯折田巴生心齊魯連子西涉清洛水頗
驚人世喧採秀臥王屋內窺洞天門竭來遊嵩峯羽客何

雙雙朝攜月光子暮宿玉女窗鬼谷上竊窕龍潭下奔淥
東浮汴河水訪我三千里逸興滿吳雲飄颻浙江汜揮手
杭越間樟亭望潮還濤捲海門石雪橫天際山白馬走素
車雷奔駭心顏遙聞會稽美且度耶溪水萬壑與千巖崢
嶸鏡湖裏秀色不可名清輝滿江城人遊月邊去舟在空
中行此中久延佇入剡尋王許笑讀曹娥碑沉吟黃絹語
天台連四明日入向國清五峯轉月色百里行松聲靈溪
恣沿越華頂殊超忽石梁橫青天側足履半月眷然思水
嘉不憚海路賒掛席歷海嶠迴瞻赤城霞赤城漸微沒孤
嶼前曉兀水續萬古流亭空千霜月縉雲川谷難石門最
可觀瀑布掛北斗莫窮此水端噴壁洒素雪空濛生晝寒